

კვირა, 15 ნოემბერი 1915 წ.


ფასი 10 კაპ.

# მშენებელი

იუმორისტ.  
ჟურნალი

# პატრიარქი

№ 27



ჭოლა ლომთათიძე



## ქოლა.

ვსუნდა გაუკვირდეს, რომ, მაგალითად, ხვალ დილით, გაზეთის „ახალ ამბავში“ დაახლოვებით ასეთი ცნობა გამოქვეყნდეს:

„მეორე სათათბიროს ყოფილ დებუტატს, აწ განსვენებულ ქოლა ლომთათიძეს, ხელახლა სამართალში აძლევენ; ბრალათ სდებენ იმას, რომ მოკვდა მაშინ, როდესაც სამშობლოში მისი დაბრუნების საკითხი ჯერ გადაწყვეტილი არ იყო და, ამ გვარათ, სიკვდილი გამოიყენა სადემონსტრაციო საშუალებათ, რათა რუსეთის მცხოვრებნი აეღელეებინა და არსებულ წესების წინააღმდეგ აემხედრებინა“.

სწორეთ ახი იქნება მასზე!

განა აშკარა არ არის, რომ ეს უკანასკნელი ბოროტ მოქმედება ქოლამ წინათ განზრახული მიზნით ჩაიდინა და მოკვდა მხოლოდ იმიტომ, რომ მთავრობისთვის ხელი შეეშალა მის დაბრუნების შესახებ აღძრულ შუამდგომლობის განხილვაში?

ქოლამ მშვენიერათ იცოდა, რომ სულ რაღაც ათიოდე წლის განმავლობაში ზემოხსენებულ შუამდგომლობას განიხილავდენ და ასე თუ ისე გადაწყვეტდენ.

განა არ შეეძლო ეს რაღაც, ათიოდე წელიწადი მოეთმინა, ვიდრე საკითხი გადაწყდებოდა, და შემდეგ მომკვდარიყო?

და რაკი ასე არ მოიქცა და სებადაურთველათ მოკვდა უდროო დროს, აშკარაა რაიმე ფარული მიზანი ჰქონებია. ხოლო რა მიზანი უნდა ჰქონებოდა მეთაურობესა და ურჩ ქოლას, თუ მთავრობის შეწუხება და ხელის შეშლა არა!

ოხ, ეს ქოლა, ეს ქოლა!

სიკვდილშიაც რომ თავისი არ მოიშალა!

ქეშმარიტათ, ახი იქნება მასზე, ერთ საბრალდებლო ოქმს რომ კიდევ ჩააბარებდენ..

მაგრამ, ადვილათ შეიძლება, უაქმე სულ სხვაგვარათ დატრიალდეს.

ვინ იცის, იქნებ არც კი მიაქციონ ყურადღება ქოლას წინააღმდეგარსულსა და ნებადაურთველ სიკვდილის რევოლიუციურ სარჩულს, ან ვერ შეამ-

ჩნიონ ის ვერაგული განზრახვა, ქოლას სიკვდილში რომ იმალება.

მაშინ ქოლას საქართველოში დაბრუნების საქმის წარმოება არ შეწყდება და მოსალოდნელია, ადრე, სულ ადრე, გაანთავისუფლონ კიდევ ქოლა.

„ვინმე ლევა მოსასხამიანი“ მივა მაშინ სართავის უფლების ფირმანს მიიტანს:

— დამძახეთ მეორე სათათბიროს ყოფილ წევრს, სასჯელ-მოხდელ კატორგელს, ბიკენტი ლომთათიძეს!

— უკაცრავად, მაგრამ ბიკენტი ლომთათიძე დიდი ხანია მოკვდა.

— როგორ თუ!.. როგორ ბედავთ? როგორ გაბედა?..

— თქვენო მაღალშობილებავ, ჩვენი ბრალი არ გახლავთ.. ის ისეთი მოუსვენარი რამ იყო, რომ..

— არა, როგორ გაბედა მეთქი ნება-დაურთველათ?!

ვინ იცის, იქნებ, სწორედ ამ ეფექტის გულისათვის მოკვდა ქოლა!.

ქოლას უყვარდა ასეთი ეფექტები.



ვთქვით, საბრალმდებლო ოქმს გადურჩა ქოლა. ჩვენი კულტურული საზოგადოების სამსჯავროს ხომ მაინც ვეღარ ასცდება!

წარმოდგინეთ, ქოლამ 15 წლის წინეთ ბელეტრისტობა დაიწყო და ამ ხნის განმავლობაში რავალი მოთხრობა და ამბავი დასწერა. მას იმ იავითვე თვალსაჩინო ნიჭი ეტყობოდა და ეს ნიჭი, რაც დრო გადიოდა, უფრო იზრდებოდა და შენელებოდა. მისი შემოქმედება იმდენათ თავისებური და ძლიერი იყო, რომ ქოლა ბევრის აზრით, საუკეთესო მწერლათ ჩაითვლებოდა თანამედროვე ბელეტრისტებში. მისი ნაწერები რომ შეაგროვო, ჩამდენიმე ტომი გამოვა. მან თარგმნა ჰენრ. ჰენისეს ლექსები და ეს თარგმანი „ცალკე წიგნათ გამოვიდა“.

მაგრამ ქოლა აბა რის ქოლა იქნებოდა, რომ იქაც თავისი ზნე არ გამოეჩინა და მის მაგიერ, რომ დაეცადა, ვიდრე ჩვენი კრიტიკის და საზოგადოების კულტურული ნაწილი დააფასებდა მის ბელეტრისტულ ღვაწლს, ასე მუხანათურათ არ მომკვდარიყო.

თითქო ქოლამ არ იცოდა, რომ ჩვენ პირუფენელსა და ფხიზელ კრიტიკოსებს ერთი წუთი ღრო არა ჰქონდათ და სანამ ქართველ უაილდების, კობასანების და ტეტმაიერების შემოქმედებას არ შეამკობდენ, სპირიტონ მცირიშვილისა და გერი-ათვის ვერ მიიცილიდენ!

ქეშმარიტათ სასტიკი მსჯავრის ღირსია ქოლა ჩვენი მოწინავე საზოგადოებისა და ქართული სიტყვა-კაზმული კრიტიკის მხრითაც...

ქოლას ერთ-ერთ გრაციოზულ „სილუეტში“ ბატრა ბავშვი უცხადებს თავის ტუსად მამას, მე აღედა ვარსკვლავზე, ვენერაზე, უნდა გადავსახლოვო საცხოვრებლათო. —მე კი არ წამიყვან თანო? თითხვს მამა. ბავშვი პირში თითს ჩაიდებს, დაჩქრდება და კარგა ხნის დუმილის შემდეგ ასე მასუხებს:

— როგორ არა, ზამილო, წავიყვან! იქ, ვენერაზე, ხომ არის ციხე? შენ ხომ ციხეში უნდა იცხოვრო!

და აი ქოლა გადასახლდა კიდევ თავის „ვენერაზე“, იქაურ ციხეში სამუდამო საცხოვრებლათ.

ის ვენერა, სადაც ეხლა ქოლა დაბინავდა ნიღაღ გზას უნათებდა მას.

მომავლის აკვანი და სავანე — მუშა ხალხი, — აი ქოლას ვარსკვლავი.

და ციხე, სადაც ახლა ქოლაა დატყვევებული, და საიდანაც ვერასოდეს ვეღარ განთავისუფლდება — ამ მშრომელი ხალხის გულია!

### ეშმაკმა იცის!

- აღბათ შემოვიღოდა... ასე... ასე...
- რატომ „აღბათ“, მეგობარო, და ისიც „ასე... ასე... ასე... ნუ თუ ამდენი ხნის განმავლობაში გარკვეულად არ იცი რამდენი შემოვიღა?
- კარგია ერთი, ჩამომგხსენ ღვთის გული-სათვის, ეშმაკმა იცის მავათი საქმე...
- უჭუუუ...

როცა ჩემს სახელს ყური მოვკარი, უნებლიეთ დამინტერესდა მუსიაფის შინაარსმა.

— მართალია, ყველაფერს, რასაც ჩვენი მოღვაწეები თავს ვერ გავართმევენ, ეშმაკს მიუღდენიან ხოლმე, მაგრამ ნეტავ რაზე უნდა ჰქონდეთ მუსიაფი ამ ყმაწვილებს?..

ფიქრობდი გუნებაში და თანაც სირცხვილის გრძნობა მექვნიდა. იმათი აზრით „ეშმაკმა იცოდა ყველაფერი“ და ნამდვილათ კი მე არაფერი არ ვიცოდი. ცნობის მოყვარეობამ გამიტაცა. უფრო ახლო ავეტუზე მოუბართ და სმენად გადავიქექ.

- დაიბეჭდა ვგონებ ხუთმეტრი ათასი ცალი...
- არა, მეტი. ხუთმეტრი ათასი წინა პირველით იყო განზრახული, მაგრამ როცა პროვინციიდან განცხადება განცხადებაზე მიდიოდა: გამოგვივზავეთ, ასი, გამოგვიგზავენთ ხუთასი, გამოგვიგზავნეთ ათასიო, გამომოცემლებს იმედი მიეცათ და მეტი დაბეჭდეს.
- მე მგონია ხუთმეტრი დაბეჭდეს. მართალია პროვინცია აღფრთოვანებით გამოეხმაურა, მაგრამ, როგორც მახსოვს ქალაქი ვერ იშოვეს.

ცნობის მოყვარეობა ჩემი წუთობით იზრდებოდა. გადმოვალაგე მესხიერების ყუთიდან ყველაფერი მავგარი მოგონებანი, შევსკურე შორეულს წარსულში, მაგრამ ამაოდ ვერარა ნიშანი, არავი-



თარი კვალი. მოსაუბრეებმა და მათ შორის უფრო ხნიერმა ვგონებ მეთავერ გაიმეორა სიტყვა: „ეშმაკმა იცისო“ და ჩემს გულში დანთებულ ცეცხლს ნავთი დაასხა.

მიდიან. მივყვები. მუსაიფობენ, ვუსმეს.

— არა, რუსული გამოცემა ნახევარზე გაცილებით ნაკლები დაიბეჭდა. ეს ასეც უნდა მომხდარიყო.

— ვითომ რატომ?

— იმიტომ, რომ უმთავრეს მკითხველებს ქართველები შეადგენენ.

— კი, მაგრამ ქართველებში ვინც ქართული კითხვა იცის, იმას რუსულიც გაეგება და ვინც რუსული იცის იმაში ქართულის მცოდნე არც ისე ხშირია.

— ერთი სიტყვით ეს ასე იყო: „ძმური სიტყვა“ ორჯერ და მაჩვერ მეტი დაიბეჭდა, ვიდრე „ბრატსკოე სლოვა“, რატომ მოხდა ეს ასე ეშმაკმა იცის!

—

— აჰაა! აი რაში ყოფილა საქმე! ვაი სირცხვილო, ვაი სირცხვილო!..

ვიმეორებდი გუნებაში და თან ვეძებდი ჩემი ცოდნის სალაროში ყოველგვარ წერტილმან მოგონებას „ძმური სიტყვის“ შესახებ.

გამახსენდა:—ჯერ კიდევ 29 ივლისს, „თანამედროვე აზრის“ მე-123 ნომრის ქრონიკაში ეწერა: „ქართველ მკვლავიანთა დღე დასრულდა. ორშაბათს, 27 ივლისს გააფიდა „ძმური სიტყვის“ დაწმენილი ნომრები. ზმვე საღამოს შეუდგენ უუღაბებადან ფუფუბას თუღას“.

— კარგი და პატიოსანი! ველაპარაკებოდი მე ჩემსავე თავს,—ფულების თვლა დაიწყეს 27 ივლისს საღამოთი. მას შემდეგ გავიდა: 5 დღე ივლისი, 31 დღე აგვისტო, 30 დღე სექტემბერი, 31 დღე ოქტომბერი და 8 დღე ნოემბერი, სულ 105 დღე. მე არა ვარ იმის მომხრე, რომ მუშა, თუნდაც იგი საქველმოქმედო საზოგადოებაში მსახურებდეს, რვა საათზე მეტი ამუშაონ, მაგრამ ამ შემთხვევისთვის ავიღოთ სამუშაო დღე 8 საათის სიგრძისა. გამოვა სულ 525 საათი. საათში ჩვეულებრივი მუშა დანიშნულის არა ნაკლებ 3600 უზალთუნისა. (საჭიროა ვიცოდეთ, რომ „ძმური სიტყვა“ იყიდებოდა ცალი ორ შაურათ). მაშასადამე 525 საათში ერთ კაცს შეეძლო გადაეთვალა 1890000 უზალთუნი, ანუ 189000 მანეთი.

— მაგრამ, ვმუსაიფობდი ჩემთვის, საქმე იმაშია, რომ თვლა ჯერაც არ გათავებულა. მაშასადამე შევოსავალი „ძმური სიტყვისა“ ზემოაღნიშნულ თანხას უთუოდ სჭარბობს.

თავისულთა ამოვისუნთქე!—ღიახ, ახლა ეშმაკმა იცის, რამდენი შევოვიდა „ძმური სიტყვის“ გაყიდვით ჩვენი ძმების აჭარლობის სასარგებლოთ, დაახლოვებით მიიწვ იცის მეთქი, არხენათ ჩაილაპარაკე და... —

სწორედ ამ დროს მომესმა უკანიდან ბოხხმა ივანე ქველმოქმედოვისა.

— ეშმაკმა იცის მაგათი თავი! კაცო, აპობენ ზოგიერთ აგენტებს ჯერაც არ წარმოუდგენიათ პროვინციიდან ხვედრი ფული და ანგარიში არ გაუსწორებიათ... აბა საიდან მეცოდინება რა შევოვიდა.

— ვინ არიან ეს აგენტები? შეეკითხა ელენე ქველმოქმედოვისა.

— ეშმაკმა იცის იმათი სახე!

—

თავბრუ დამესხა! ახალი კითხვა, ახალი თავსამტვრევი საგანი! ახალი შეურაცხყოფა ჩემი ეშმაკური თავმოყვარეობისა.


— ოოოო, ქველმოქმედებო! დამაცადეთ, მე თქვენს ობთში ამოვალ, უთუოდ ამოვალ! თქვინი მიზეზით უნდა ახსენონ წარა-მარა ჩემი სახელი. დამაცადეთ, დამაცადეთ. მე არასოდეს არ მიყვარდნენ ქველმოქმედები, მეტსაც ვიტყვი:—ქველმოქმედი და ბოროტ-მოქმედი ჩემთვის ბევრით არ განსხვავდებიან, და თუ... და თუ... და თუ კი ისინი ასე წარამარა „მოიღებენ სახელსა ჩემსა ამოსა ზედა!..

ამ ბოროტი განზრახვით გავექანე საქველმოქმედო საზოგადოებისავენ. ღიახ მსურს გავიგო იმათი სახელი, ვისაც ივლისიდან ჯერაც ვერ ვადა უთვლია „ძმური სიტყვის“ გაყიდვით შემოსულ უზალთუნები,

რომ ამ პირებს ანგარიშსა და ყოფაქცევაში ორი დაუვსება.

ენახოთ.

ეშმაკი.





## ბებერი მგელი.

(განაჯიანი)

დაბერდა მგელი, ბებრიკი,  
დასძვრა ბრჭყალი და კბილები  
მას ხორცზე ტყავის ნაგლეჯი  
და ძვლებზე ნაცოდვილები.

დაჰკარგა ძველი ჯავარი,  
ძველი რიხი და ღონეა,  
ღღეს, როცა ამას იგონებს,  
სიზმარი ჰწახა ჰგონია.

ახლა აჩრდილიც არ არის  
იმ რაინდობის უამისა;  
ერთი-ღა შერჩა წარსულის,—  
—მახვილი მადა ჭამისა.

მაგრამ რა ჭამოს?!?! ითხოვოს?  
ვინ არის თხოვნის გამგონე?  
თვითონ იზოვოს... სად შესწევს  
მას საამისო ძაღლონე?!?

არა და კვდება სიმშლით,  
რომ დადის, ატყობს იქცევა...  
სხვა ღონე ვერა იღონა  
და მწყემსს მიმართა ისევა.

უთხრა მას:—რაა, ძმობილო,  
გაღამედიხართ მწყემსები  
და ჩემი ნახვა გესობათ  
თვალში თქვენ, ვითა ნემსები?

მართალი არის, ზოგ-ზოგჯერ  
მოგტაცებ ხოლმე თითო ცხვარს,  
მაგრამ ეს კუჭის ბრალია,  
თორემ ქურდობა არ მიყვარს.

ვინაა დანაშაული,  
რომ მშიერს ჭამა სჭირია,  
რომ მუცლის მოსამსახურე,  
კბილები, ყბა და პირია?

მოდით და ერთი გამაძღეთ,  
მომეცით ლუკმა დღიური  
და გამომცადეთ რა მშიერი  
შევიქნე მე ვგ ტყიური.

— რა გაძლომაო, სთქვა მწყემსმა,  
ვისი გაძლომა, მსუნაგის?!?!  
მგელი გამძლარი ვინ ნახა  
მობინადარე ბუნაგის?

საქმეც ის არის შე წლწკო,  
რომ არ გაძლები აროდეს...

გამშორდი, სულს რომ მიათრევ  
შენ ჩემგან, ვგ გიხაროდეს.

მგეოს ჩხუბის თაღი საღ ჰქონდა,  
ღღარ ებადა კბილები...

მეორე მწყემსთან წავიდა,  
პირველის განაწილები.

— ძმობილო, იცი?!? უთხრა მას  
მე ერთი რამე მწადია,—

შენთან მოყვრობა ვიფიქრე.  
ვგრე სჯობს ცხადზე ცხადია.

პირობას დავედებ,—გემოყვრო,  
დავავლო ჩემი აღათი.

ოღონდაც ყოველ წელიწადს,  
მაძლიე ცხვარი ათ-ათი.

მერე მე ჩემთვის, შენ შენთვის,  
სიტყვა სიტყვა... პირია...

აღარც ამდენი ქოფაკის  
ყოლა და რჩენა გჭირია.

— ათი ცხვარიო?!?! რას ამბობ,  
რომ სული ვაგავდებო!

ერთის მომცემი ვინაა!  
რას მიედ-მოედებო?!?

— მაშ, არც ერთს მომცემ?!? სთქვა მგელმა,

— მგელო, გამშორდი ხელალო,  
ცოცხალს რომ გიშვებ არ გყოფნის  
შენ ჩემგან საცქიველალო?

კარგია შენმა სიცოცხლემ  
თუ ავეყვ მე შენს ჰორებსო  
და ხარკი მივცე მეგვრეს  
აღვილით მოსაშორებსო.

— რა მეშველება!! სთქვა მგელმა,  
ნუ თუ არ არის რამე ხსნა?

მესამე მწყემსთან წავიდა,  
სხვა გზა რა ჰქონდა, რა ექნა?

— მწყემსო, უთხრა მას,—გავიგე  
რომ მოგვედომია მურია,  
და ახლა სხვა ძაღლს დაქებ,  
აკისრო სამსახურია.

და გირჩევ, წადი იოლადა,  
მოდი ქუასთან შენც ახლო,

მე დამიყენე დარაჯათ...  
მიყურე, როგორ გეძაღლო?!?

და მერე კიდევ, მას შემდეგ  
რა რომ დავავდე მგელობა,  
შენთვის მოძევა ვიქნები...

ვიცი დარაჯის ხელობა.



მწყემსი აენტო, უყვირა!  
— როგორ თუ შემასხრებო!!!  
და შენგან მერე ვინ იხსნას  
ჩემი საწყალი ცხვრებო!!!

სად თქმულა კაცმა საცავად  
ქურდს ჩააბარა ქონება!!!  
გამშორდი... არ დამკარგვია  
ჯერ სამაგისოდ გონება.

— ოჰ, რა ძნელია სიბერე,  
ეგ ოხერი და ტიალი!..  
სთქვა და სხვა მწყემსთან წავიდა  
ეს მგელი ნახეტიალი.

— მიცნობ შე მწყემსო? ჰკითხა მას.

— შენ კი ვერ გიცნობ პირადო,  
მაგრამ, ჰო, შენისთანებს კი  
ბევრს ვიცნობ ჩემდს ქირადო.

— ჩემისთანებსო? ვინ ნახა  
ჯერ მგლები ჩემი ფარდები?  
მე, როცა კარგათ გამიცნობ,  
უმალვე შეგიყვარდები.

— ვითომ და რა ხარ ასეთი,  
მგელი ხარ, მეტი ხომ არა.

— მგელი ვარ, მარა უფნები,  
ჩვარი ვარ, ერთი, ტომარა..

ცოცხლებზე ველარ ვნადირობ,  
ბეჩავი, მე უსვებდო...  
დამრჩვალი რამე თუ ვნახე,  
ეგები იმას შევებდო.

ამიტომ მოვალ ზოგ-ზოგჯერ  
შე ამბის ვასაგებადა,—  
ეგების რამე მოგიკვდა  
რომ მომცე წასაღებადა.

მხოლოდ დამრჩვალი მომცე  
რომ გამოვიძლო მუცელი...  
თორემ სხვა ზიანს შენ ჩემგან,  
ნურც იფუქრებ და ნურც ელი.

— მოხვალო?!? ვასწი! მთელ ფარას

დამიხოც შენ ერთ ღამესო,  
მგელი დამრჩვალის მქამელი  
დაზოგავს ცოცხალ რამესო.

გაძლიო, თუნდაც დამრჩვალი...

რა მეგობარი შენ ხარო...

სანამ ცოდვილ სულს დასტოვდე  
გამშორდი რას მიდგებარო!!!

მგელი შეშინდა: სთქვა, მწყემსი  
ფეია, ავი სახისო,

„კლიაუნია“ ვილაცა,  
რა მკვახედ გაიძახისო!

და გამობრუნდა განგალით  
სხვა მწყემსს მიაღვა კარებზე.  
— ერთს კიდევ ვსინჯავ ჩემს ბედსო,  
სთქვა დაჩვეულმა ვარებზე.

— მწყემსო, უთხრა მას, ტვაი მაქვს  
მე ერთად ერთი ქონება,  
და მსურს შენ მოგცე ფეშქაშად,  
ნახე თუ მოგეწონება.

გასინჯა მწყემსმა და უთხრა:  
ჰო, კი ღირს გახდის ქირადო,  
ეტყობა, ძალღის კბილები  
მას არ გაჰკვრია ხშირადო.

— ღიახ, და საქმეც ეს არის,  
რომ სანაქებო ბეწვია.

და რადგან უკვე ვიგრძენ რომ  
სიკვდილის ფაში მეწვია,

ანდერძი დავსდევ,—როს მოვკვდე,  
(სხვა ან კი რა დამრჩენია)

ტყავი შენ უნდა გამხადო,  
ღმერთმა შეგარგოს შენია.

ოღონდ კი, სანამ ვიცოცხლებ,  
მასვი—მაჰამე, მარჩინე...

და როცა აღვესრულები  
ანდერძი გამოაჩინე.


მწყემსს გაეცინა და უთხრა:

— ევერძალვი ხარჯებს კერძოთო.  
სჯობს ახლავ გაგხდი ე შავ ქურქს,  
უნხარჯოთ, უანდერძოთო

და შუბლში ტყვია უსწორა  
(ის კეთილ აღარ აწამა)

მოჰკლა და ტყავი გააძრო,  
ღმერთი კი ძალღებს აქამა.

ა. ბლიკვაძე.





# ნარკვევი.

(ანუ საღაპრო წერილი)

„შეპკრთა სუსხი... შავი ნისლი  
 უფსკრულისკენ მისრიალებს...  
 ჰა დრომ დაჰკრა სანეტარომ  
 და ზამთარიც ხუტავს თვალებს!  
 იქ შეხედე, ცის კიდურზე,  
 მზე ოქროს სხივს აელვარებს!  
 მთის მწვერვალზე ძღვეის დროშას  
 აღმასივით აფრიალებს.  
 ამიტომაც შავი ნისლი  
 უფსკრულისკენ მისრიალებს...  
 ზამთარი თრთის სულთ მობრძავი—  
 სამუდამოთ ხუტავს თვალებს“.

გაზ. „სამშობლოს“ სურ. დამატება № 29.

ეს ლექსი ძველ დროში დაწერილია, იმ დროს, როდესაც მწერალ „თაფუნას“ სიტყვით: „საქართველოში ერთ მილიონ მგოსანზე ერთი მცხოვრები მოდისო“. მაშინ თურმე, თუ ჰოეტი არ იყავი, სოფელ-ქვეყანაში თავს ვერ გამოყოფდი. აუცილებლათ ყოველივე სქესს, ცხრა წლიდან უნდა დაეწყო ლექსების წერა, მაგრამ ეს დალოცვილი სამწერლო ნიჭი ყველას ხომ არ გამოყვება; არა და სხვა ყოველივე ხელობა სამარცხვინოდ იყო აღიარებული. მაგალითად: მიწის მუშას, უკაცრავად პასუხია ვირს ეძახოდენ. ამისათვის ეგრედ წოდებულ მიწად-მოძმედ აგრონომებმა დაანებეს ამ თანამედრობას თავი და მგოსნობა იწყეს. (მაგ. სიმონ ქვარიანი, და სხვები)... რასაკვირველია არც ალუქანტებს შეგლოდა თავის ალუქანტობა სახელის მოსახეჭად, განსაკუთრებით მის შემდეგ, რაც მგოსან აკაკიმ მათ მხზავანა კატები უწოდა. ამიტომ ბევრმა ვეჭილმა იწყო მგოსნობა (გვაზავა და სხვ.) ჰო და ასე იყო, ყოველი პროფესიის კაცი. ამისთვის გაზვირდა სხვისი ნაწერების მითვისება, მაგ. ზემო დასახლებული ლექსი გვხვდება ჩვენ სამ პიროვნების ნაწარმოებში: პირველი ეკუთვნის სოლ. გოშაძეს, 1907 წ. იხ. „ახალი ჩანგი“ გამოც. 1910 წ. გვ. 240, და რეკეპე როკოკოს ზეპირ სიტყვებში, მესამე ეკუთვნის პლაგიატორ კ. მიმქრალს. (კოსტა ცერცვაძეს) გაზ. „სამშობლოს“ დამატება 1915 წ. თუ იმას არ ვინაგარიშებთ ვითომც, რომ კვერცხი უმანდელია ქათამზე, ეს ლექსი უნდა მივაკუთვნოთ სოლ. გოშა-

ძეს. კ. მიმქრალს კი მოპარული უნდა ჰქონდეს. რეკეპე-როკოკოზე კი ვერაფრს ვიტყვით, ვინაიდან ის იუმორისტული იყო და ასეთს სკრიპოზულს ვერაფერს დასწერდა. მხოლოდ ზეპირ-გადმოცემებში ჩვენ ვხვდებით: „მოძარაობის დროს, თურმე, საღადაც ხის ქვეშ ხალხს კრება ჰქონდა. ერთი შემოძველებულ მუნდირიანი ხმელი; მოაჩილი, ქერა კაცი, ხეზე შემდგარიყო და ხალხს ეუბნებოდა: „დღევანდელი მსხვილი ბურჯუაზია, რომელიც ობობასავით გვწოვს სისხლს, სუყველა ჩვენს ზურგზეა გასუქებულიო“. იქვე მდგომმა რეკეპემ მოსწერებულათ მიუგო მას:

— შე მამაცხონებულო, შენს ზურგზე რწყული კბილებს დაიმტვრევს და ისინი როგორ გასუქდებოდენო.

რეკეპე როკოკო.

## რკინის გზაზე მოგზაურთათვის

(ნასესხები)

რკინის გზაზე სამგზავრო ბილეთის ფასი არ გადახდება ბავშვებს (რომლებიც იმყოფებიან დედის მუცელში).

მგზავრს არ გადახდება ბავაის ფული (იმ ბარაგის, რომელიც სახლში დარჩა და თან არ მიიქვს).

მესამე კლასით მოგზაურობის დროს ზედ მეტს არავინ გადაახდევინებს იმ მოგზავრს, რომელსაც აღებული აქვს მეორე კლასის ბილეთი.

შეგვარებულებს ნება ეძლევა რკინის გზის ვაგონებში ერთმანეთს ეარშიყონ, ამის ჯარიმით არავინ არას ითხოვს.

იმ შემთხვევაში, თუ არც ერთ ვაგონში თავისუფალი დასაჯდომი ადგილი არ მოიპოება მგზავრს სრული ნება აქვს ფეხზე გაჩერდეს.

ყველა მგზავრს (გარდა ხუცისა) უფლება აქვს ჯიბით უფასოთ ატაროს ნივთები.

საქალეგო განყოფილებაში მხოლოდ იმ მამაკაცს შეუშვებენ, რომელიც კონდუქტორს „მალარიჩით“ დაარწმუნებს, რომ ის დედაკაცია.

ყველა ვაგონი, რომელიც სამგზავროთ არ არის დანიშნული და სადგურებში დგას, სუფთად არის დაცული.


რკინის გზის მსახურებს უფლება არ აქვთ მგზავრებს (რომელთაც ბილეთი აქვთ) ზედ მეტი გადაახდევინონ, იმისათვის, რომ მათ აგინებენ და ზოგჯერ კიდევ სცემენ.



„წესრიგის დასაცავთ ყოველი კორიდორის შესავალთან სდგას მეკარე, რომელიც მიუცილებლად უნდა იყოს დანიშნულ ადგილას, რომ მოწაფეთაგანი არაფინ გამოუშვას და არც არაფინ შეუშვას. მეკარესა ჰყავს ამხანაგი, რომელიც მას ეხმარება ზოლმე.“

ალ. ჭიჭინაძე. („სახ. ფურ.“ 418)

## პარადი ქართულ გიმნაზიაში




ა. ჭიჭინაძე. გამარჯობა, ყოჩაღებო!

ჩახსურთა რაზმი. გამარჯვებას ვუსურვებთ თქვენს მაღალ ლირექტორობას!



# თფილისის ტრამვაი



რასსინი მოიღეთ მოწყალება ღვთის გულისთვის, ხომ ხედავთ ჩემს სამოსელს?

## ბრძანება ეშმაკისაგან.

(ბუტუნასადმი ფოთში)

კერძო ცნობები მოსდის ჯოჯოხეთს,  
 შენი სიჩუმე გვაკვირვებს დიდათ:  
 „სერგია რადგან აღარ გამოდგა  
 შანტაჟისტების გზათა და ხიდათ,  
 პეტრეზა შვილის წართმევა სურდათ,  
 შემდეგ ვასილზე კვლავ მისაყიდათ,  
 სახლში მიმავალს დაესხენ თავზე,  
 როს მიდიოდენ ბაზრიდან მშვიდათ.  
 ტყვე დედა-შვილმა შექმნეს კივილი,  
 პოზიციური გაჩაღდა სროლა,

ვასილი დასტრეს თუმცაღა პეტრემ  
 შანტაჟისტებსაც კი მიაცოლა.  
 მოულოდნელმა ცხარე შელულმა,  
 დასცა მთელ ქალაქს რა შიშის ზარი,  
 ყველა სახლებში ჩაქრა სინათლე,  
 ბაზარმაც ხელათ დაჰკეტა კარი,  
 რადგან მეკობრე მტერი ეგონათ,  
 ზღვიდან ხომოდით შემოპარული.  
 ვინ იფიქრებდა მტერი შინ გყავდა,  
 მტერი „მოყვრებში“ თავ შეფარული.  
 მსხვერპლიც გადარჩა შეუწირველი,  
 დამნაშავენი კი მიიმალა,



თუმცაღა იძით აღმოსაჩენათ  
მიღებულია ყოველი ძალა\*  
თუ მართალია ყოველი ესე  
და შენ კბილებით აჩერებ ენას.  
ალბათ გაშინებს შანტაჟისტები,  
არ ერიდები ეშმაკის წყენას.  
ას ორი მუხლით უნდა დავსაჯოთ  
მშიშარა ჩვენი თანამშრომელი,  
ავე პასუხი ჩვენს ბრძანებაზე  
**ჯოჯოხეთიდან არის რომელი.**

## განმარტება ეშმაკისადმი.

ბოროტ სულების გულთამხილველო,  
სრულთა მმართველო ჯოჯოხეთისა,  
სასუფეველის უარმყოფელო  
გამარისხებო მალლით ღმერთისა!  
მივიღე თქვენი მკაცრი ბრძანება  
რითაც მომელის სასჯელი მწარე,  
სასჯელზე უფრო მე ის მაშინებს  
არ აგვიჯანყდეს შავი ზღვის მხარე.  
ერის ოჯახში მახინჯ შვილებზე  
თუ გავამელაფნეთ სუყველაფერი,  
გამცემ-მძარცველი, შიშველ-მშიერი  
ხო გაილანძლა ქართველი ერი?  
იქნება ფიქრობთ, ექს-რანდები  
სხვა ტომის არის, ან სხვა ნაცია?  
არა... ისინი კარგა ცნობილი  
და შინაური ჩვენი კაცია.  
რალა ვამხილო, რაც ყველამ იცის,  
რასაც სუყველა ერთგულად ფარავს  
კაცი, რომელიც არ სთესს, არა მკის,  
არც მოხელეა, არც მიწას ჰბარავს,  
მდიდრულად ცხოვრობს, „წრეში“ ტრიალებს,  
ქელებიც უყვარს, თამაშიც ხშირათ,  
შემოსავალი თუმც არ სჩანს მისი,  
ხარჯვას და ფლანგვას არ აგდებს ჩირათ.  
თუ ამას ფარავს გარშემო ყველა,  
მე რაღას გავხდე, მიბრძანეთ ერთი,  
რად მსჯის ეშმაკი ჯოჯოხეთიდან,  
ან სამოთხიდან საბაოთ ღმერთი?  
ესლა ხომ მიხვლით, ქაჯათა მეფეო,  
უმართლოთ მაწერთ სიმხნაღე შიშსა,  
გამბედობას მიწუნებ ქართველს!  
არ გეკადრება ქართველის ჯიშსა.

ბუტუნა.

## გამოქცეულები.

— მართლა, კინაღამ არ გადამავიწყდა? წელან  
ფოსტალიონმა დეგეშა გადმომცა. წამოიძახა ილია  
მანუჩარიჩმა, უბიდან დეგეშა ამოიღო და კითხვას  
შეუღდა.

— რაო?!? რაო?!

რამდენი გადმოხვეწილია ქუთაისის გუბერნია-  
შიო?!. როგორ?! ჩემი ქალაქი თბილისი ხომ არ  
ჰგონია მამა-ცხოვრებულს, რომ გადმოხვეწილებს ად-  
გილი ჰქონოდა??... ცდები, ცდები... შე. დაიღრი-  
ალა ილია მანუჩარიჩმა და რაიანდული სისწრაფით  
მიიქრა ტელეფონთან.

— ღზინ... ღზინ... ღზინ...—

— ვინ ლაბარაკობს აა? ჩასძახა ილიამ.

— მე ვარ მე, ვანო! \*) იყო პასუხი.

— აა ვანო... გამარჯობა... სადა ხარ კაცო  
რომ ველარ გხედავ ეს ექვსი თვეა? მარა ამაზე სხვა  
დროს... შენ ესლა მითხარი, ამ ახლო წარსულში  
ოლასკურისკენ, ან სიფირჩხისკენ ხომ არ აგივლია?!

— საფირჩხიაზე ვასული თვის ხუთ რიცხვს  
დავაპირე ასვლა; მინდოდა უდროოვით დაკარგუ-  
ლი მეგობარი საფლავის კარამდე მიმეცილებია, მაგ-  
რამ არც ერთმა მეეტლემ არ წამიყვანა; ფეხით იქ  
გადასვლას კი, როგორც იცი, კაი ბიჭი უნდა, ჩემო  
ილია.

— ოლასკურასკენ?

— ოლასკურაზე ამ კვირია ვიყავი იმავე მიზ-  
ნით, მაგრამ ნეტავი შენის კარგად ყოფნით სულ  
არ წავსულიყავი... ველარც მიზანს მივალწიე და  
ფეხი კი შიგ მუხლში ვიღრძე. ეტლს და მეეტლეს  
რა მოუვიდა ახლაც არ ვიცი, რადგან მე მხოლოდ  
დღეს დილით მოვედი გრძნობაზე. რაეა, რაშია  
ილია საქმე?!

— რაშია საქმე და ჩვენი დედა ქალაქის არა  
მკითხე თავი, დეგეშით მეკითხება თფილისიდან:  
რამდენი გადმოხვეწილია ქუთაისის გუბერნიაშიო...  
იმას კი არ კითხულობს არის თუ არაო... არა, პირ-  
დაპირ, რამდენიაო!? მართლა, იქნება მოჰკარი სადმე  
თვალი იმ გამოქცეულებს? ან თეატრში, ან ბაღში,  
ან კლუბში?!

— არა, არა და არც მგონია, რომ იყვნენ.

— აკი მეც მასე მგონია! უკაცრავად, მშვი-  
დობით იყავი...

\*) სამოქ. თვითმკრთველობის წევრია.



— თურმე, ბატონო, კვალსაც ვერ მიაგნეს... ბარე ორმოცდა ათი კაცი ყოფილა. გაუბედავად წაილაპარაკა ილია მანუჩარიძის მსახურმა, რომელიც ხმაურობის გამო ოთახში შემოსულიყო.

— ვინ ყოფილა ბიჭო ორმოცდა ათი?

— თქვენ რომ ბრძანებთ ბატონო ისინი... გაქცეულები.

— მერე შენ საიდან იცი??

— ლადიკავკაზში კი არა ბატონო, პეტრებუნ-წყში რა ხუბა იგი ვიცი თქვენის წყალობით... ასე მოგახსენებენ ბარე ხუთი ქე ოუგორებიათ და სხვებს კი თავისთვის უშველიათო...

— ბიჭო რეებს ზოდად?! რა პეტროგრადიო, რა ვლადიკავკაზიო! რა ოუგორებიათო. ხომ არ გაეცებულხარ?!  
— აბა მაგას რეიზა იკადრებ ბატონო... რამ გამაგია უამხელა კაცი... ჩემი თვალებით რომ არ წამეკითხა კიდო იტყოდ კაცი...

— რა, ბიჭო? რა წაიკითხე?

— რა, ბატონო, და ხუთი ქე მიაგორეს და სხვები მიწამ ჩაყლაპა თუ ცამ ვერავინ გაიგოვო...  
— ვინ გაიქცაო, ბიჭო, ვინაო?!— შეჰყვირა მრისხანეთ ილია მანუჩარიძმა.

— ჩაჩნები, ბატონო ჩაჩნებიო!?!  
— უთუოდ სიზმარშია ეს უბედური რა უქირა და, ბიჭო, ჩაჩნებს გასაქცევი სად ჩაჩნები და სად ომი?!

— აბა მაგას რეიზა კადრულობთ, ბატონო! ციხეში მყოფი გაქირვებულა, აბა რა ჯანაბამ და-ღლინა?!

— ქეშმარიტად გაგიყდა ეს ოჯახდაქცეული.

— თქვე დალოცვილო, თუ არ კითხულობთ ამ გაზეთებს, ფულებს მაინც რეიზა იხითო ტყუილა. აგერ არ სწერია, ლადიკავკაზის ციხიდან 50 ჩელო-ვეკ გეიქცაო ხუთი მოკლეს შვიდი დასკრეს და დანარჩენები გეიქცენო?..

— მოდი ახლა და ჰკუა ჰკითხე ამას!! ქარ-თველი მაინც არ იყოს ეს ოჯახდაქცეულის შვილი! გულმტკინვეულათ წარმოსთქვა ილია მანუჩარიძმა და სასოწარკვეთილათ ხელი ჩაიქნა.

— რავა, ბატონო სიცრუეა ვითამ?!!  
— შეიძლება სიმართლედ იყოს, მაგრამ შე-გამოყვეყნებულაო, ვლადიკავკაზის ჩაჩნებზე კი არა, სათათრეთიდან გადმოხვეწილ სომხებზე ვლადიკავ-კობო.

— სომხებზე?! სომხები არ ვიცი და ჩვენი

მეზობელი დობტურის ქართველი ლაქია კი გადახ-ლეწილა საცხა ორი დღეა ეძებენ მარა კვალს ვერ მიაგნეს.

— შენ არსად შეხვედრიხარ ქუჩაში გადმო-ხვეწილ სომხებს?!

— თქვენ ქე მოგეხსანებათ, სიარულის შეტს რას ვაკეთებ, მარა არხად არ დამინახავს...

— აკი მეც მასე არ ფიქრობ რომ არსად არ არიან გადმოხვეწილები! და ნურც ინებოს ღმერთმა მათი აქეთ გადმოხვეწა, თორემ ის გადმოხვეწილები ახლა რომ თბალისს ეპატრონებთან, წაილაპარაკა ილია მანუჩარიძმა და მსახური შემდეგი შინამრისის საპასუხა დებეშით აფრინა ფოსტაში:

თფილისი ე. ი. ხატისოცს;

„ჩემი ფხვით შემოვიარე მთელი ქუთაისის გუ-ბერნია, დაწყებული ალექსანდრეს ქუჩიდან, გიმ-ნაზის ქუჩამდე, მაგრამ ერთი, გადმოხვეწილი ვერ-სად ვიპოვე“. ი. შ. ჩიჭყაძე.

**ბ. მწვანეყვავილედი.**

**გიგო და გიტო.**

**გიგო.** ხოშგელდუმ გიტო! რას იტყვი ძამო, თუ რამე იცი აბა სააზო?

**გიტო.** საფარ გელდ ყარდაშ! საქმეა ცუდათ, სჩანს ეს ქვეყანა თლათ მოსპონ უნდათ.

**გიგო.** ჰო, ომი ძამოჲ არ გკითხავ მაზე... მომბერდა ბქობა პოლიტიკაზე.

მე მოგახსენებ შინაურებზე ზოგ-ზოგ ბობოლა ბედაურებზე.

**გიტო.** რა გითხრა, აბა მაგათი ქკუის კაცი გგონია—გლატატობს, სტყუის.

აგერ, ექიმი ვილაც—ბაია, თურმე ვაგედო სურდა ხმაია...

გუშხამ ლესელებს წაჰკიდა ბელა, განცხადებები გამოაქრელა:

„მოვედით ჩემდა უძღურებოო, მე მკურნალი ვარ სანაქებოო, მისთან ვიქმ საქმეს სასახელოსო ქანქარს დაუტოვ სამკითხველოსო!“

შემოკრბენ ციებ-ცხელიბიანი ურიცხვი ჰკვალეებ-ხველებიანი ურმებ-ეტლებით და ჯალამბრებით,

დღედავ! ვარია ტელეგრამებით... ბილეთები სულ გაყიდულია

ახლა ვინ ეტყვის ხალხს რომ ტყულია...



**გიგო.** ფუ, შევარცხვინე კაცობა მისი  
 ეგ რა სიცრუის სკოდნია კურსი?!  
 აგერ მეც გითხრა ერთი ამბავი:  
 ჩვენს კოპერატივს უქნია ხვავი...  
 ორას ოცი და რაღაც ქანქარი  
 აღარცა ჩვენ გვაქვს, აღარც მაქ არი.

**გიტო.** ეგ როგორ მოხდა, გეთაყვანები,  
 გუშამ რომ ქოდათ გრძელი ენები  
 ნოქარი გარეთ ვამოაბრძანეს  
 და ესდევნება მას დააბრალეს,  
 მარა ახალი გაუჩნდათ ჭირათ  
 და წუნობა დაუგდათ ძვირათ!  
 ეხლა მოიხმონ მახარობელი,  
 (ჩიბათის ასჯერ დამამხობელი)  
 ენა ქარბობით გატიტვლებული,  
 და თავმჯდომარე ივან ქებული  
 ამასთან კიდევ საშსონ ქაბუკი,  
 და უკრან პლატონს ნაღარა, ბუკი,  
 ჩვენ დავამღეროთ: „ჩვენი ქკუს მქირს“  
 რატომ მივანდეთ მამ ბოსტანი ვირს?

**გიგო.** საბჭოს წევრები რაღას შვრებნიან,  
 არც ამჟღავნებენ, აღარც წყრებნიან?


**გიტო.** არ ვიცო ძმაო, როგორ ვთქვა, თვარა  
 გულს კი მაკლია მაზე პატარა,  
 სიმართლევ აქვენ, შრომასაც ბედვენ,  
 მარა როდესაც ასეთებს ხედვენ,  
 არც მწვადის დაწვა, არც შამფურ ტარის  
 მოვალეობის დალატი არის...

**გიგო.** ეგ მარჩიელი ვინღა არისო  
 ბეეუკასას რომ ხშირათ დადისო?

**გიტო.** აი ვის უნდა მწვაფი მათრახი,  
 ამ აფერისტმა დაძარცვა ხალხი.  
 აქეთ-იქიდან მოაქვთ ძღვენი...  
 მასპინძელს მაინც რათ არ რცხვენია?

**გიტო.** მშვილობით ძმაო, კვლავ განახავ კვირეს  
**გიგო.** განახავ ამ თქმისთვის თუ არ გვიჭირეს.

ხიც-ხიც.



# ღეპეშები

**ფოთი.** „ეროვნულმა“ მუშებმა დაადგინეს  
 როგორც პრესით ისე ავტოკაციით სამკვდრო-სასი-  
 ცოცხლო ბრძოლა გამოუცხადონ და სამუშაოდან  
 გარეკონ „სამშობლოს ვარისმყოფელი მუშები, რომ  
 ამით იხსნან როგორც ქართველი ბურჟუაზია, ისე  
 ქართული მრეწველობა დალუპისაგან.

**იქიდანვე.** ვადაქორიას სტამის მუშებმა  
 ამავე მიზნით გადასწყვიტენ გააგრძელონ სტამბაში  
 მუშაობა ძველებურათ ე. ი. დღე და ღამეში 4 სა-  
 ათის დასვენებით მიუხედავად ამისა, რომ ამგვარმა  
 შრომამ ერთ მუშას უკვე დაუზიანა ფილტვები და  
 ექიმის რჩევით თავი გაანება მუშაობას. რადგან  
 ყოველი ღიდი საქმე მსხვერპლს თხოულობს „მუ-  
 შებიც“ სწირავენ.

**იქიდანვე.** ხე-ტყის ქარხნის მუშებსა და ხა-  
 ზენებს შორის დადებული შეთანხმების პირობა  
 ხაზინმა მოისრაფეშვილმა კოოპერატივის ფურნე-  
 ში „შეინახა“, რადგან მოგესხენება ფოთი ქო-  
 ბიანი ქალაქია და პირობა დაობებისაგან და-  
 იფარა. აგრეთვე ცხოვრებაშიც „დაცულია“ დადე-  
 ბული პირობები მიუხედავად იმისა, რომ ხაზინმა  
 თორბაძემ ყოფილი მუშის მაგივრათ თავის ნათე-  
 სავი დააყენა სამუშაოზე და მუშა „დასასვენებლათ“  
 გაუშვა. მუშებიც „გამოფხიზლდნ“ ამ გარემოე-  
 ბით და ყოველ საღამომობით იკრიბებიან „თადეო-  
 ზის სახელობის სახალხო სახლში“ მუშა თედორა-  
 იას „ღეპეციების“ მოსასმენათ.

ბუტუნას სააგენტო.

**კაცხი.** მცირე რიცხოვანი ჯგუფი, მასწ. ქე-  
 ლის ქოჩიაშვილის მეთაურობით, დაბინდებისას მო-  
 ულოდნელად თავს დაეცა საქალბო სკოლის, და-  
 ხევინა განაპირა სოფლამდის და გამაგრდა აბესძის  
 დუქანში, დელის პირად. თავზარ დაკეპულმა ხალ-  
 ხმა კონტრ-იერიში მიიტანა და შესძლო შკოლა  
 ისევ საზ. შუაგულში შემოეტანა. მიუხედავად იმი-  
 სა, რომ საქმე მცირე ჯგუფის სასტიკი დამარცხე-  
 ბით გათავდა, ჯერაც გამოურკვეველია, თუ ვინ  
 უნდა ზღოს ომისგან მიყენებული ზარალი.

ზახრუმა.

**ს. დარჩელი.** არ შემიძლია არ დავეთანხმო  
 მე-20 ნომერში ბ. ხანის მიერ გამოცხადებულ ღე-



პემას. აქაც ბ. მ. კანდელაკის აფთიაქში დამზადებული წამალი ისეთივე სხვა და სხვა მიზეზების გამო როგორათაც დ. აბაშის აფთიაქში, ნაკლებ საიმედოთ იქმნა ცნობილია დარჩელის ზოგიერთ პირებისაგან, რომლებმაც მიიღო კიდევ „აგენტობა“ მეზობელ ს. კახათის აფრთქები ბ. ე. ნადარეიშვილისა და ელვის სისწრაფით გააფრცხლეს ხმა: „ცივების უებარი წამალი „სეკრეტი ნადარეიშვილისა“ იზოვება მხოლოდ კახათის ისიც იაფად, მიუხედავად ომიანობისა“. მართლაც კურთხეულ იყოს ნიჭიერება ამ პატროსან გვაშისა, დიდძალი ხალხი მიიზიდა და გაჰკურნა დროებით. საუბედუროთ მმართველი თითონ არის, მუშა ხელიც მეტი არა ყავს და ვერ აუღის მუშტრებს, რიგის გარდა (როგორც სადგურის კასაში) არვის ღებულობს, მაგრამ უფრო ხელს უშლის სუსტ ავთამყოფებთან დასახედავად წაბრძანება. ვინც ეღირსება კი „სეკრეტის“ (ანილინ გარეული ქინა) კაპსულების შექმნას მის ბედს ძალი არ დაყვეს, თუნდ ციებისგანაც არ გვნიკურნოს სანამ ათი კაპსულის მიღებას გაათავებდეს ლაზითიანთ შეუღებავს ცისფრათ შარდს.

დიდათ დავალებული ვიქნები ბ. ეშმაკისაგან ნებას მომიკემდეს მათის მეოხებით მადლობა გამოუცხადო იმ მეცნიერ ადამიანს ასეთი უებარი „სეკრეტი“ წამლის გამოგონებისათვის და ბ.ბ. აგენტებს რო კარგა დაჰკრეს საყვირი და ტყვილათ გაუგებრათ არ დაგვაკარგვინენ წამლის ფასი ჩვენს დარჩელის ძველ აფთიაქი (დიდი ხანია აქ ეს აფთიაქში არსებობს და კურთხეულ კანდელაკსაც იმდენი „ზაპასი“ ქონია, რო დაძველებულა თურმე წამლები!).

ყანი.



# ფონტა

ზოსიმეს თქვენი ლექსი „გოდება“ ასე თავდება:

„მე რად ვარ ქვეყანაზე და რათ მიდიარს მე ცნოვრება?

დედა-ენას რო ვერა ფსნსი, ენაზედ რომ შებორკება.

და მკითხველო, შენ ჭაბუკო, დროს ნუ ჭკარგუ სჯობს; თორემ ჩემებრ მოინადგაო, ასე იტყვა ვაი, ვაი“.

ეკვს გარეშეა, მკითხველი ქაბუკიცა და ხნიერიც უთუოდ იტყვის „ვაი, ვაის“, როცა ამგვარ ნაწარმოებს წაიკითხავს.

ლუკა ტბისპირელს. თქვენ გვაცნობებთ: „ჩემო ცოლი ცოტა თქო ჩაყარდა; თვალბეი განზე აჭეს მიდრეცილი, ცხირა სმალოს სწოთუშს მიუგაჟს, ეურთ სმენა აკლავ, თორემ სისწო ვიდევაც სჭარბობს და სხვა“.

თქვენ როგორც ხედავთ ბედნიერი ყოფილხართ, ხოლო ჩვენ მამინ ჩავთვლით თავს ბედნიერთათ, თუ მან წერა არ იცის.

ცილითას პირელს. არც სახუმაროა, არც სერიოზული, არც დაიბეჭდება.

განჯელს (და სხვა ამგვარებს). სარედაქციო წერილი იწერება ქალაქის მარტო ერთ მხარეზე პროზათ (ან ლექსათ). წერილის შინაარსი უნდა იყოს საინტერესო და სიმართლისაგან არც დიდათ დაშორებული. წერილის ბოლოში დამწერმა უნდა მოაწეროს თავისი სახელი, მამისახელი და გვარი. ამის შემდეგ შეუძლია ფსევდონიმიც აღნიშოს.

დიკოლას. „სუფსაში დიდა კარტ პაქე-ბუქის თამაშია“ — იწერებოთ თქვენ. ეს რალაც ახირებული თამაში უნდა იყოს „პაქე-ბუქის“ თამაში. „მე არ მიუგარს, მაგრამ შინცა ვეჩრები“.

საკვირველია დემეტრმანი, თუ არ გიყვართ რალას ეჩრებით?

ჭაგნელ ჩიტუნის.

„ჭერ ვესტუმრები ვეჭარ „სახინას“ მიუღდაინებ ნეჯაა



(გასი თუ სარათ გამოჰყავდა  
ის აჩის ხათაბულაო“)

რედაქცია „ემშაკის მათრახისა“ გულწრფელად  
გირჩევს მიხვიდეთ იმ „ხიხინა ვაქართან“, თუ კი  
ის მართლა სარით გამოგვეყავდა. ვინ იცის!

„ლ“-ს. თქვენ სამი ლექსი გამოგზავნეთ. ერთს  
აწერია „ლ. კვატია“, მეორეს „ლ. ჭუკია“, მესა-  
მეს „ლ. გოჭია“.

ფსევდონიმი ყველგან შესაფერია, მაგრამ ლექ-  
სი არცერთი არ გამოდგა. ივარჯიშეთ სხვა ცხა-  
ველებზედაც.

ლეის პირელს. თქვენს ლექსს მნიშვნელობა  
ეჭვებოდა მარტო ხოფისათვის და ისიც მაშინ, თუ  
რომ ბ-ნი ფერშალი დარჩენილიყო, მაგრამ ის რა-  
კი მოგზორდათ სხვა რაღაა საქირო.

„გოროდისტ მარადისტს“. თქვენი პატარა წე-  
რილი სამჯერ წავიკითხეთ და მხოლოდ ერთად-  
ერთი დასკვნა გამოვიტანეთ: დავიტოვოთ თქვენი  
ფსევდონიმიდან ორი ანბანი ჟურნალში დასაბეჭ-  
დათ, სახელდობრ პირველი სიტყვიდან ასო „ს“,  
ხოლო მეორედან ასო „ტ“, დანარჩენს დაგიბრუ-  
ნებთ თქვენ.

ევსევის. აი თქვენი „სიზმარი“.

„ერთხელ სიზმრად დიდ შადორზე  
ხაღსსა თავი მოეყარა,  
შუანკარეს გილეგელში დაქუჩარს  
და ჩამოსახრახათ მოეყუანა.  
ამ დროს ზეგით ავისუდე  
მომეჩვენა რაღაც ერთი,  
დავუგვირდო, ქვევით მოდიოდა  
ყოფაზე შემდეგ მამა დემრთი“.

მაღლობა ღმერთს, რომ ჩვენ ცხადში ვნახეთ  
თქვენი ლექსი. თორემ „სიზმრის ახსნაში“ სწერია:  
— ლექსი იხილო უშნო და უჯანთო აჩრისს თვინიერ  
ნათხუზი — ავია. ძაღლმა ცოფიანმა გიკბინოს.

იპო ორჯონიკიძეს. „ლიზიკო“ აღმოჩნდა.  
წაიყვანეთ „განათლებლის“ კანტორიდან.

### პატარა სცენა

- გამაჯობა ივანე შენი.
- სიმონს გოუმარჯოს, მობრძანდი, რა გნე-  
ბავს?

— ერთი წულა მინდა, ძამია და თუ რიგია-  
ნათ მომცემ კი დაგიბადლებ.

— შენც კი იცი, ჩემო სიმონ, ყოარიფელი  
გაძვირებულია, თავის რჩენა გაქირდა, მარა შენ  
მინც რიგიანათ მოგცემ. ჩემი ძველი მუშტარი ხარ.  
(იღებს და აძლევს წულებს). — ავი ცამეტი აბაზი,  
ავი კი სამი მანეთია.

— რა ამბავია, კაცო, ამისიძვირე? კი მიტხა-  
რი ძვირიაო, მარა ცეცხლი თუ ეკიდებოდა აი კი  
აღარ ვიცოდე.

— რა ვქნა, სიმონ: ტყავი გაძვირებულია, და  
ათასი ბანდიც მაქ, რომ ჩამოგვიყვე თითები არ ავი-  
თავდებია.

— ბანდი ჩემდენი შენ არ გექნება ძამია!

— ამას ნუ იტყვი სიმონ. მიჩვენე ხელი (სი-  
მონ აძლევს ხელს, ივანე კი თითო თითოთ აკა-  
კვიებს თითებს) მოკაკვე აი ერთი, ეს სახლია გასა-  
კეთებელი, ახლა მოკაკვე მეორე, — აი ჩემი უფრო-  
სი ქალიშვილი ლუბაივია, მოკაკვე მესამე, უმცრო-  
სი ქალიშვილი თამარია, მოკაკვე მეოთხე — ჩემი  
კოლი მატრონაი, ახლა მე მომკაკვე, ძმაო, რაღას  
მერჩი, მეც ქამა მინდა. ამდენი ხლაფორთი მაქ  
ძმაო, ეს ყველა ჩემმა მუშაობამ უნდა გაასწოროს.

— შენ ძმაო ხუთი დაგიჩა მოსაკაკვაი და  
მე რომ ჩამოგიტვალო ფეხის თითებიც უნდა მია-  
ტოლო. შენ სახლი ქე ააშენე, მე ღორი როის  
გამიტანს საფარეშოდან იგიც არ იცი. თუ ნაკლებ  
მომცემ კარგია, ძმაო, თვარა რა გიყუ შენი ნებაა.

— ვერა, ძმაო, არ შემიძლია.

— მშვიდობით ბრძანდებოდე. (მიდის).

— მშვიდობით, ისთე შენი ხათრიზა ორ-ორ  
შაურს კი დაგიკლებ.

— ვერა, ძმაო, ეს ნამეტარი ძვირია, შენ  
რომ მოსაკაკვაი გყავს ყველაის რჩენას მე თუ მი-  
კვეთ, მინც გამძრობაა ქათობა და იგია.

### ჩიკვატია.


იბეჭდება და ამ მოკლე ხანში გამოვა კ. თავართ-  
ქილაძის მიერ შედგენილი და კანტორა „განათ-  
ლების“ მიერ გამოცემული 1916 წლის.

## კედლის კალენდარი

კალენდარი დასურათბატებული იქნება მწერ-  
ლების და საზოგადო მოღვაწეობის სურათებით,  
მოზრდილი ფორმატის.

დაკვეთა ეხლავე შეიძლება შემდეგი ადრესით:  
Тифлисъ, Почтовый ящикъ № 96. С. Р. Та-  
варткиладзе.





**რა მასმევს ლალიძის წყალს?**


(ახნაზარვისებური)

— ნაცნობები და ძმა-ბიძები სულ იმის ჩამკვირვან და მეკითხებიან რა მასმევს ლალიძის წყალს?  
 — თქვენ ისა მეკითხეთ თუ რა არ მასმევს, თო-  
 გემ მაგისი პასუხი ადვილია.  
 — რა მასმევს ლალიძის წყალს? პირველი ისა,  
 რომ მინდა ვიცოცხლო და ჯანმრთელად ვიყო,  
 რე რომ ლალიძის წყალი ნამდვილი ბუნებრივია,  
 არ არის სახარინითი და სხვადასხვა დოზანათი  
 მტკბარი, ვეცი რომ ის ფ-ლტრში გატარებული  
 და გადაღუღებული წყლიდან არის მომზადებული,  
 მასადაჟე მჯერა რომ მასში აი ის ოხერი რაღაცა  
 ცილებია არ ერევა და ვიცი არ მოვიწამლები.  
 რა მასმევს ლალიძის წყალს? მე რას მეკითხებით,  
 ვით იგემეთ მისი გემო და მერე მე აღარ მეკით-  
 ხეთ და თუ მაინც მეკითხათ დამსცათ და მოვახ-  
 ნებთ!


გაუფრთხილდით თქვენს ჯანმრთელობას — მიიტოვით

**უპირველეს**

ბილგელ-მანდელის სამკურნალო მოითხოვით ყველგან!







მეზოვე. ბატონო, პარკენიც გააყოლო?

ახალი გამგე. გააყოლე. გააყოლე.